


مکرمه

ادبی و سیاسی رسالهٔ اسبوعیه در

۳۰ نجی سنه



۲۴ رجب الفرد ۱۳۲۹

پنجشنبه

جزء عدد : ۱۰۵

سعدالله پاشادان توفیق بگه مکتوب ۱

بودفعه کی تحریرات علیه لری دخی واصل دست مسرت اولدی. حاوی اولدینی
تعبیرات و دادیه حسیات قلبیه لری ینک رشحات خالصه سی اولدیغندن مع التشرک تاقی
ایلدی .

(انفلو آنجه) استیلاسی زماننده ماهیتی مشکوک اوله رق اوغرائیلان برکیفسز لکک
شکرلر اولسون خفیفجه کچورلمش اولدیغنه بمنون اولدم. قسوة مکان تولید عارضه
وجودیه بر سبب اوله بیلورسه ده، قوه بدنییه نسبتنده مالک اولدقلری قوه معنویه
مشاغل نافع و طنپورانه نی تأثیرات موقعیه سپر مقاومت ایدم جکندده شبهه ایتم .

مورخ کیزونک مملکتیمز حقنده کی فکرینه دایر فقره، تاریخیجه سندن استنساخ
ایله کوندرلمش، اوقودم . بزه متعلق اورویا حکما و مورخلرینک تألیفاتنه بودرجه
اهمیت و یردیکگزه پک بمنون اولدم . اگر بواعتنا هموطنلرمن اذکیاسنک اکثرنده
اوله حق اولسه ایله سوء تفالات و مطالعات رهین بطلان اولوردی .

کیزو، رأینی عصرینه حصر ایله استقبالی قارشدرمامش بولنسه و بر مشاهدیمی
برقاعده شکننه قویمامش اولسه ایدی، دیه جک یوغیدی. چونکه ۱۸۴۳ ترکستانیه
۱۸۹۰ ترکستانی ییننده چوق فرق واردر . کیزونک عصرنده خرسیتیانک شهادتی
دیگنلر، قاتلی قصاصدن قورسیله مز، هریرده ذلیل و محکوم و بر یرده اعتبار و حاکمیتی
کورلمز ایدی. یالگیز معاملات رسمیه ده دکل تعبیرات انشایه ده بیله . خلاصه حقوق
عادی و مدنی و سیاسیه ده خرجکذار رعایا تعبیریه طبقه تبعه نک صف نعالنده ایدی.

[۱] سابقا برلین سفیری توفیق پاشایه چینه سفارنده ایکن یازلمشدر .

کیزو بوحالره باقشده استدیکنی سولیش و بولندیمز مجوریت عصریه و موقعیه نک تهیه ایلدیکی تحولات آتیهی کورمک استماشدر. کیزو ادارهیه اعتراض برینه قومه اعتراض ایتمش. بنجه خطاسی اساساً بوجهته در. برملکتهک بروقتهکی سوء اداره سببه قومک استعدادینه حکم اوله ماز. مجوریت و ترقیلرینه غبطه ایلدیکمز ملتلهک اداره و اعتقادجه نه طور لر دن کچدکلی معلومدر .

بر زمان روم و یونانیلر اقوام سائریه باربار و صریلر اعجام دیدکلی کبی مقلدین اسلاف متمدنه اولان شمدیکی غربیلر دخی اوروپا حدود مجموره سی خارچنده اولان اقوامی قابلیتمزلهک شائبه سببه تزییف غرورنده بولندقلرندن ، کیزو کبی خدمت سیاسییه بولنان غرضلی حکمانک جمعیات مختلفه بشریه حقنده هر سولدکلی سوزلره محض حکمت نظریله باقیله ماز .

مخبرانده عصر مزک حصوله کتیردیکی بدایع تسهیلات سایه سنده عروس مدینت حلیه استعداد ایلله متحلی اولان اقوامک نصیب حجله کام وصالی اولدیفندن بقایای عقاید قدما ایلله نه قدر مقاومت اولنسه ینسه عاقبه الامر مفتون جمالی و حسرتکش لطف اتصالی اولنه جغنده تردد ایدیله مز. مادام که مستعد کالز بحق امید وار ترقی احوالز .

اشته شو مختصر افادات. کیزونک فکری حقنده کی مطالعاتی آ کلاتمغه کافیدر. حکمت مدنییه دأر بویه بر بحثی ذات دولتری کبی نور عرفان ایلله تزیین وجود ایتمش بر محب خالص ایلله اوزاتمی امل ایدی . نه فائده که کاغد طولدی باقی مشتاق توجه و محبتکزم اقدام .

